

ewigen gezeiten also halten sollen und wollen an alle vermynerunge und abebruche und darzu der obgnanten funff Reinisch gulden jerlicher zcinße vor mich, mein capplan und glockner gebrachenn, den ich und mein nachkomende iren geborlichen teyl und lon, wie es herkomen und vormals gehalten ist, dovon geben, also das der obgnant
 5 stifter noch sein erben uff fordern lohn adder darlegunge zu solchem dinst des Salve regina unbedranget sein und bleiben sollenn an alles geverde. Des zu urkunt habe ich obgnanter Thomas Freiburger mein insigell an dysen briff gehangen, der gegeben ist — tausent vier hundert und in dem funff und achtzigisten jare.

490.

10 *Magdeburger Schöppenspruch über die Ausmessung der Meile.*

[Zweite Hälfte Saec. XV.]

Hdschr.: Or. Perg. Rathsarchiv Freiberg K. 6. Das S. auf der Rückseite ist abgefallen.

Ann.: Vergl. No. 386 (Note c).

Scheppenn zu Magdeburgk.

Unnßern fruntlichin gruß zcu vornn. Ersamenn besundern guten frundes. So
 15 ir unns von eczlicher sache wegen | euch selbst unnd euwer stad fryheyt belangende gheschrebin unnd unns recht daruff zu sprechen ghebetin habit ic., | sprechin wir scheppenn zu Magdeburgk uff dieselbigeten schriftte vor recht. Ist euwer stad Frybergk uß vil | merglichin ursachen vor vil jaren gnade unnd fryheyt ghegeben unnd
 20 ouch in kurez vorghangen jaren vornuwet confirmiret unnd bestetiget wurden, daz keyn kretzscher bynnen cyner milen weges umme euwer stad ghelegen selbes eigen byer zu vorkowffen bruwen adir anders den euwer Frybergische byer schengken sal unnd daz man ouch bynnen cyner milen keyn salcz vorkowffen noch andern gemeynen feylkouff
 25 haldin sulle, wollet ir denne nach deme Sassenlande unnd rechte eyne bestendige unnd rechte myle weges messen unnd haben, so sullet ir nehmen eyne maße adder eyne rute, die funffzehn fuße langk ist, unnd sulchir ruten ader maße sechßigh machen cynen agker
 30 adder eyne gewende unnd derselbige acker adder gewende sechßigh machen eyne myle, unnd dieselbige mile sullet ir anhebin zu messen von euwer stad ewßerste addir außwendigsten graben unnd so ferre, alse sich daz denne myt der maße also von der stad henstreckt, daz heysset eyne myle von rechtis wegin. Vorsigilt myt unßern
 30 ingesigil.

Aufschrift: Denn ersamenn burgermeistern unnd rathmannen zu Frybergk unßern besundern guten frunden.